

INDIA GAM
PRESBYTERIAN HATTUOM
[THE PRESBYTERIAN CHURCH OF INDIA]



DANBU
[CONSTITUTION]

GIETVEI
ETTHANA
2016

IN ZOU 2018

**INDIA GAM
PRESBYTERIAN HATTUOM**
[THE PRESBYTERIAN CHURCH OF INDIA]



DANBU
[CONSTITUTION]

**GIETVEI
ETTHANA
2016**

IN ZOU 2018

INDIA GAM PRESBYTERIAN HATTUOM
[The Presbyterian Church of India]

DANBU
[Constitution]

Gietvei Etthana 2016

In Zou [2018]

No. of Copies-500

Published by the
Zou Presbyterian Church Synod

A SUNG A UMTE

1. Thumapui xi
2. A Tangthu Tangpi xiii

3. Khenpi-I

- Thuginpi (Khat a pat Sawm tan)01
Preamble, Articles 1-10

Khenpi-II

- Danbu** **04**

BUNG - I

1. Hattuum:

- a) Mutheilou Hattuum04
- b) Muthei Hattuum05

2. Presbyterian Hattuum 05

3. India Gam Presbyterian Hattuum 05

4. Hattuum Kikhop 05

5. Pasion Biehna Thuzilna leh Kipawlkhawmna 06

6. Lamkai Dette 06

- a) Upate06
- b) Probationary Pastorte06
- c) Siempute06

7. Hattuum Vaihawmna 07

- a) Tuolsung Hattuum07
- b) Biel07
- c) Presbytery07
- d) Synod07
- e) General Assembly07

BUNG-II
TUOLSUNG HATTUOMTE (LOCAL CHURCH)

1. Membership	08
a) Asung a mite genchetna	08
i) Danzoukimte	08
ii) Baptisma tang memberte	08
iii) Member dangte	08
b) Baptisma:	08
i) Baptisma tansah diingte	08
ii) Baptisma tansah kia thu	08
iii) Nu-le-pate mawpuohna	09
c) Lahlutna	09
i) Danzoukim diing a lahlutna	09
ii) Hattuum mawpuohna	09
d) Pem/Transfer	09
2. Kivaipuoh dan	09
a) Hattuum siem dan:	09
i) Preaching Station,	09
ii) Branch Church,	10
iii) Local Hattuum	10
b) Hattuum Committee siem leh Lamkai guot dan	10
c) Hattuum Committee mawpuohna	11
i) Hattuum etkol leh puihuoina	11
ii) Mangpa Annsieng,	11
iii) Hattuum Minbupi,	11
iv) Hattuum danzoukimte kung a theisahna,	12
v) Hattuum sung a thubuoite,	12
vi) Lamkai dette umlou a dan bang dungzui a nasep.....	12
d) Danzoukimloute.....	12

BUNG - III

1. Thununna.....	13
a) Atup	13
b) Thununna dan tuomtuomte:	
i. Taihilna.....	13
ii. Hattuum mawpuohna aneite apat khawlsah ding dante	14
iii. Hattuum hina apat Nawsuo	14
c) Hattuum Lamkaite Khawlsah dan	14
d) Thunun diingte	14
e) Lahlut kia a umte dinmun	14
2. Vantang	15
a) Kikoi siengthou ding.....	15
b) Dan siengthou a kiteenna	15
c) Kikhulna	15

BUNG-IV

1. Silpieh thu ah	16
2. Silthawnpieh thu ah	16
3. Biel (District) Presbytery leh Synod min a etkol dan.....	16
4. Biehin bawl	16

BUNG-V

HATTUOM VAIHAWMNA SIEM DAN LEH A NASEP

A. BIEL/DISTRICT

1. Biel/District kibawldoh dan	17
2. Biel/District Kivaipuohna member diingte	17
3. Mawpuohna leh nasep thei tan	18
4. Lamkai dingte telna.....	18

5. Biel (District) Committee	18
a) Standing Committee	18
b) Nomination Committee	19
c) Committee dange	19
6. Vaihawmna Gielna bu	19
B. PRESBYTERY	
1. Kisiemdoh ding dan	19
2. Presbytery Vaihawmna Memberte	19
3. Palai kisawl ding dan	20
4. Khawmpi nei ding hun bituh	20
5. Office Bearerte tel ding dan	20
6. Synod a thutut ding dante	21
7. Asep dingte leh a sep thei tan uh	21
8. Kizopna	21
9. Report.....	22
10. Hagau lam thupi/Khawmpi thupi	22
11. Committee-te	22
a) Standing Committee	22
b) Nomination Committee	22
c) Sub-Pastoral Committee	23
d) Finance Committee	23
12. Finance Officer(s)/Treasurer	23
13. Trusts/Neitahte kemtu	23
14. Sum endih dingte/Auditors	23
15. Synod Khawmpi a Palai kisawl dan	24
16. Minute Bu/Thupuasah giellutna Bu	24

C. SYNOD	
1. Synod Kisiemdoh dan	24
2. Synod Khawmpi a Palai diingte	24
3. Synod siim dingte (Visitors)	24
4. Palai kisawl dan	25
5. Synod Lamkai kitel ding dan	25
6. Khawmpi nei hun	25
7. Synod nasep dingte (mawpuohnate)	25
8. Minlamna leh Vaihah thugenna	26
9. Thuphasahte puonna	26
10. Committee	27
a) Executive Committee	27
b) Nomination Committee	28
c) Finance Committee	29
d) Pastoral Committee	29
e) Mission & Evangelism	29
f) Theological Committee	30
g) Trust Committee	31
11. Sum etdihna/Audit	31
12. Numei leh Khanglai-te nasepna	31
13. Nipi Sang Laivuonna (Etkhietna)	31
14. Hagau lam Thupi	32
D. REGIONAL ASSEMBLY	32
E. GENERAL ASSEMBLY	32
1. General Assembly a Member hina	32
2. Palai kisawl dan	32
3. Assembly Khawmpi nei ding dan	33
4. Lamkai ding tel dan	33

5. General Assembly a Committee	33
a) Executive Committee	33
b) Nomination Committee	35
c) Finance Committee	36
d) Mission & Evangelism Committee	36
e) Theological Education Committee.....	37
f) Christian Communication Committee	38
g) Peace and Justice Committee	39
h) Trust Association	40
6. General Assembly sep dingte	41
7. Thuphasahte Puonna	41
8. Hagau lam thupi & Mangpa Annsieng	41
9. Hattuum dang a Palaina	41

BUNG-VI

LAMKAI DETSATE KITEEL LEH NAMDETNA

1. UPATE	42
a) Kitelna	42
b) Tel theina ding a danzoukim zat	42
c) Chin theina ding a Vote muzat	42
d) Upa hiding a teltheilou dingte	42
e) Presbytery a min piehlut ding	43
f) Upa hiding a tel thei dingte	43
g) Namdet dan ding	43
h) Upate pemte tungtanga	44
i) Namdet kia kisamlou	44
j) Pemna lai	44
k) Upa pemsu nua pmlut kiate	44
2. PROBATIONARY PASTORTE	44
a) Azil ding a kiguotte	44
b) A nasep dingte	44
c) Guot ding dan	45

d) Akoi ding dan (Induction)	45
e) Kizilna hun sung	45
<i>Laizil dingte leh Nasep lam</i>	
f) Pastor Piching nasep	46
g) Pemsahna	46
h) Khawlsahna leh adangdang	46
3. SIEMPUTE LEH PASTOR-TE.....	47
a) Amawpuohna leh a nasep	47
b) Siempu ding a namdetna	47
c) Siempu namdet ding dan	47
d) Siempu nasepna mun guot dan	49
e) Tawpsahna	49
4. A DINMUN NGAI A GUOT KIA THEILOU	49

BUNG-VII

1. Atangpi a zui ding	50
2. Danbu siemphatna	50
3. Danbu hilchetna tungtang	50

DANTE (BYE-LAW)

1. ADMINISTRATIVE SECRETARY-TE	50
a) A sep hun sung	50
b) Guot ding dan	51
c) Guot kia ding dan	51
d) Administrative Secretaryte Nasep ding dante	52
e) Administrative Secretaryte mawpuohnate	52
f) Sumlam sai Administrative Secretary-te sep dan	52
2. SUM LAM ENKOLTU MAWPUOHNA	52
3. BANK A MIN GIELLUT DINGTE	53

4. GENERAL ASSEMBLY WORKING COMMITTEE LEH A NASEP DINGTE	53
5. SYNOD EXECUTIVE SECRETARY-TE	53

THUM&PUI

Assam Gam Presbyterian Hattuum khu Kum tampi India Malsah Presbyterian Hattuum chiin ana kithei hi. Tu a India Gam Presbyterian Hattuum in DAN masapen khu kum 1924 in Mairang Khawmpi ah puonkhietna ana nei a, Synod Khawmpi masapen kum 1926 in Shillong ah a kinei hi. Kum 1953 in Synod Khawmpi Silchar ah Assam Gam Presbyterian Hattuum (Tu-le-tu a Presbyterian Church of India) tawndan dungzui a Hattuum vaihawmna sangpen khu Assembly a kichi kia a, Assembly nuoi a Hattuum kipawlkhawmna ding in Synod a kichita hi. Tuazieh in DANBU masapen khu kum 1955 a ettha ahing hita hi.

Tuazou apat in Danbu a kigiel khenkhat Danbu in agen bangtah a zuina ah Hattuum khenkhat in hamsatna ahing tuoh a, tuabang in Hattuum zong ahing khantou dungzui in, Danbu siemphat zel ahing ngaita hi. Tuachiin kum 1968 in Assembly Khawmpi Laitumkhrach ah, Danbu 2veina etthana nei kia ding in lemsahna ahing um kiata hi. Tuami Danbu nivei etthana kinei zou leh sutzou ahi nua in, khenkhat khat ahun zil a, suhlamdan ngai ahing um kia zel a, kum 1972 in Assembly Khawmpi, Churachandpur ah Danbu 3vei etthana nei ding lemsahna hing um kia hi. Kum 1976 in Assembly Khawmpi, Mawkhar ah a um a, tuanah Danbu livei etthana nei ahia, tuami kum sung mama in sutzou ahi.

Danbu 4vei etthana nei ahi zou apat in kum 4 nua in, sil ahing lamdan dungzui in, Assembly in Danbu etthakia poimaw ahing sata a, Danbu ettha kul leh poimawte Assembly in suikhie in Synod zousie kung ah ngaidan lasuoh in tuazou in, Assembly Khawmpi 1984 in, Jowai ah kilungtuoh tah in pomkipna anei hi. Tam khu Danbu ngavei ethana ahita hi.

Kum 1992, Assembly Khawmpi, Mairang ah, India Malsah Presbyterian Hattuum kichi khu India Gam Presbyterian Hattuum (Presbyterian Church of India) chin amin henna ahing nei kia a, tua khu Danbu a 6vei ethana ahing hita hi.

Munchin ah Hattuum hingpung zel in, Synod zong ahing kibelap a, Danbu zong ettha kul leh poimawna ahing um kia a, kum 1998 in, Assembly Khawmpi Nongbah ah, Danbu khu apumpi a ettha ding in Khawmpi in thukimna ahing neita hi. Tuachin Synod zousia kung ah ngaidan kaikhom in, kum 2004, General Assembly Khawmpi, Dawrpui, Aizawl, Mizoram ah, Danbu apumpi a etthanapen pomkip ahi dungzui in 7vei Danbu etthana ahing hita hi.

Tami kum zou nua in Pasian nasepna kilamkaina ma a tal tou zel ziehin General Assembly Khawmpi 2016 Mawsynram ah General Assembly Khawmpi in Danbu tungtang a ana ngaituo uh kum 2006 (Mairang) 2010 (Mawngap) 2012 (Champhai), 2014 (Laitumkhrah leh 2016 (Mawsynram)-te kigawmkhawm in a gietveina sutkhiet ahi.



A TANGTHU/HISTORICAL NOTE

India Gam Presbyterian Hattuum (Presbyterian Church of India) khu Welsh Gam Presbyterian Hattuum (tu masang a Welsh Calvinistic Methodist Hattuum kichi zel) gammiel nasepna itna gaa ahi. Welsh Hattuum in gammiel nasepna khu kum 1841 in Khasi Jaintia gam ah asem uhi. Tami gam apat in Sylhet-Cachar Phaijangte, Lushai leh Cachar singtanggamate ah Khantanhoi puonzah zel ahi hi. Tua nasepna in ma asawn mama zieh in kum 1896 in Khasi Jaintia Presbyterian Hattuum Assembly khu dinkhie ahia, tua khun India Malsah a Wales Presbyterian Hattuum nasepna mun zousie a huomsuoh hi. Hindan siemphatna leh Hattuum a mi tamsem ahing pun belap zel zieh in kum 1924 in Assembly leh Sylhet-Cachar phaijang Assemblyte dindoh ahi hi. Tambang a Assembly 3 ahing umtah zieh in a khaikhawmtu ding thuneina sangpen ding in Assam Gam Presbyterian Hattuum Synod khu kum 1926 in ahing piengkhe hi.

Assam Gam Presbyterian Hattuum hing khang semsem in kum 1930 in Assembly 4na ding Cachar Hill Tribes Assembly hon ahing hikia hi. Hinanleh kum 1947 a India leh Pakistan ang kikhen zieh in Sylhet-Cachar Phaijang lientah khu East Pakistan (tu a Bangladesh) lam ah a umta a, tua hun apat Sylhet-Cachar Phaijang Assembly nuoi a gingtute khu Pastor biel dangdang a kisiem in Synod etkolna nuoi ah a umta uhi. Mun dangdang ah Hattuum hing khankhiet zel zieh leh sil kihen danglam zel zieh in Danbu sung a thu khenkhatte dinmun tha leh sil danglam zelte toh kituoh in ettha a poimaw a, kum 1953 in Hattuum kipunkhawmna sangpen Synod khu ‘Assembly’ chi in akiheng a, anuoi a Assembly kichite khu ‘Synod’ chi a hing hita a, kum 6 nua 1959 in Assam Presbyterian Hattuum Assembly in Manipur simlam a mi bangza ahiei khat a lalut a, kum 1968 in Danbu entha in a siempha kia hi. Synod chinte Constitution review hing bawl a, constitution pumpi amendment bawl ding a nget ahi.

Tuachiin 1968 Assam Presbyterian Hattuum Assembly chi khu India Malsah Presbyterian Hattuum Assembly chiin a min hen kia ahita hi.

Kum 1969 in sil chiemte tah mama a um a, tuate tam anuoi-ate ahi:-

1. Shillong ah Assembly Centre Office ah hun zousie a sem ding in Administrative Secretaryte nei ahi.
2. Assembly kituptah a, a peitheina ding in Working Committee siemkhiet ahi.
3. Kum 128 sung thupitah a gammiel nasepna nna asepzaw nua un Welsh Missionaryten ang pawtsanta uhi.

Assembly khu hing khanglien zel in kum 1974 in Presbyterian Youth Fellowship(Khenglai) dindoh ahia, kum 1977 in India Malsah Presbyterian Hattuum Assembly in National Council of Churches in India leh Welsh Alliance of Reformed Churches azom a, 1978 in Council For World Mission a zom kia a, tualeh kum 1978 in Manipur Synod hon ahikia hi. Kum 1985 in Christian Conference of Asia a zom a, kum 1986 in Presbyterian Women Fellowship (Numei Pawl) dindoh ahi kia a, kum 2003 in Reformed Ecumenical Council a zom kia hi.

Pasian guolzawlina in hattuum hing khang zel in kum 1992 in India Gam Presbyterian Hattuum (Presbyterian Church of India) chia min kiphuoh khu ahiding mawng zong ahi hi. Kum 1996 in Ribhoi Presbyterian Synod leh Biateram Presbyterian Synod a hing pienkhieh tah zieh leh kum 2002 a Khasi Jaintia Presbyterian Synod khu Synod 2 in Khasi Jaintia Presbyterian Synod Mihngi leh Khasi Jaintia Presbyterian Synod Sepngi chia khen ahi toh Assembly nuoi ah Synod umzat zong 4 apat in 7 ahing pha a, kum 2002 mama in Assembly chi khu General Assembly chia hen ahi, tuaban ah kum 2004 in Regional Assembly din theina Dan zong siem ahi hi. Kum 2006 in Zou Presbyterian Church Synod a hing piengkhe a, 2014 in Karbi Anglong Presbyterian Church Synod ahing piengkhe kia a, tualeh 2016 in Meitei Presbyterian Singlup Synod ahing pieng kia hi. Tuaban ah India Gam Presbyterian Hattuum in leitung pum

huop hattuom lah ah zong dinmun poimawtah atu tou zel a, hattuom Unau dangte toh nasepkhawmna ding thuhun zong asiem hi. Kum zabi 21na in khantouna leh sil kiheng lamdangte ziehin India Gam Presbyterian Hattuom (Presbyterian Church of India) Danbu ettha ahing poimawta hi.



KHENPI - I

HATTUOM THUGINPI

THUMASAT/PREAMBLE

India Gam Presbyterian Hattuum Apostles' Creed, Nicean Creed, Westminster Confession of Faith pomdet leh (ei hing na lamkai Hattuumte ginna Thuginpi nuollou a ettuoyna nei, adieh in Wales Gam a Presbyterian Hattuumte Thuginpi, Hattuum sung leh Laisiengthou zilna College ah kihilna ding a pom) khun tam anuoi a Thuginpi Siempute, Probationary Pastorte , Sawltahte leh Hattuum Upate leh dan piching a umte kipuihuoyna ding a pom leh Thuginpi ahi

THUGINPI-I

Laisiengthou: Thuhun Lui leh Thuhun Tha khu Pasion thu lamdang ngailou ginna leh nasep teena dihpeen umsun khu ahi.

THUGINPI -II

Pasion khat bou a um a, Ama bou khu bieh ding ahi. Ama khu Hagau ahia, ama thu a hing um, mun chinteng a um, hagau dangte leh tam khovel silte toh kibanglou lamdangtheilou kumtawn a um, ahiina kikhellou, pilna, silbawltheina, sienthoua, dihna, hoina, thutah leh itna khu ahi.

THUGINPI -III

Pasion ah mi thum a um a, Pa, Tapa leh Hagau Siengthou ahi ua, tam thumte khu Pasion khat, hiina kibang, silbawltheina leh loupina kibang ahi uhi.

THUGINPI-IV

Pasion Van, Lei leh a sung a sil um zousie siempa khu'n, mihing pasal leh numei, Ama lim-le-meel suun in ana siem a, theina, dihtatna leh sienthoua ah. Mi zousie kipatna bulpi kibang nei unau ahi uhi.

THUGINPI-V

Mihing ama deitel in Pasien daan thupieh ana botsie a, tuachi'n siemmawtanna leh sietna ah ana kiphumlut hi. Tuachia mihingte siemmaw atanna, sietna leh khelna a kipat in hundamna in kumtawn hinna aneitheina ding un a itna tawpchieh neilou zieh in atapa tang neisun I Mangpa Jesu Khrist vannuoi ah ahing sawl hi. Ama ah bou mihingte'n hundamna a nga thei uhi. Tuachia a kumtawn Tapa khu mihing dihtahvawt hing suoh in Pasien hina dihtahvawt nei in mihing ahing suoh a, bangchihtan in mihing khat ahi veve hi. Ama khu hagau siengthou silbawltheina zieh in ang kizil a Ngahnu siengthou Mari in ahing a, hinanlezong khelna neilou ahi hi. Tawnkhiel mihingte a ding in ama'n Pasien danthupieh azui bukim a, sienthouna dihtah vawt Pasien lungdamna ding leh Pasien leh mihing kilemsah ding in Ama ngel khu kithoina dihtah leh nuolbei in ahing kipekhie hi. Singlaamte tung ah ashi a, vui in a um a, tuachi'n a ni thum ni'n shina kipat a thoukiata. Van ah katou in Pasien zietlam ah a tou a, a mipite a ding in thu angen zing hi. Tuachia mishite kaithou a, leitung a thukhen ding in ang peikia ding hi.

THUGINPI -VI

Hagau Siengthou, Pa leh Tapa a hing kipan khu'n mihingte hundamna tang ding in a siem a, a tawnkhielnate leh a dinmun uh zau a huoi daan kitheichiensah in, a lungsim uh Khrist theina ah a salvahpieh a, a deidan siemphatna lam ah puihuoi in Jesu Khrist khu a Mangpa leh hundampa a pom thei ngei ding a puihuoi in a thunun a, tuachia dihtatna lam a ga nei ding in amauh a lamkai hi.

THUGINPI -VII

Pasien in Krist ah mihingte hutdamna bukim leh manbei khu a pie a, a khelnate uh kisia a, Mangpa Jesu Khrist a hundampa a pomkip dingin, kingiemkhietna hinkhuo leh siengthou, Pasien deilam hinkhuo Ama a hing kilang bang a hinkhuo nei ding in asiem hi. Koizong Krist gingta a, a thu zui tapou khu hutdam ahia, khel ngaidamna, siemtansahna, Pasien ta hiina, sunggil a hagau siengthou teenpina zieh in sienthouna leh kumtawn loupina a tangta hi. Gingtute ngel in hutdam kitheichetna a tang thei uhi. A lungsietna nasep ah khu'n hagau siengthou vanzah khu Thu leh thuhun, Sacrament leh Thugetna ahi.

THUGINPI - VIII

Sacramen Krist in a siemte khu: Baptisma leh Mangpa nitah ann ahi. Baptisma khu Pa, Tapa leh Hagau Siengthou min a tui a sawpsiengna ahia, khum khu Khrist toh kipum khatna, Hagau Siengthou a hin kilamdanna leh kisiemthana leh Mangpa a i kipiekhietna etsahna ahi. Tam khu i khelna kisia a Khrist a ginna zieh a hundampa a pomte leh a tate bou tansah ding ahi.

Mangpa Annsieng (Tanghou leh Uain) nekhawm khu Krist shina theizingna ahia, gingtute'n Krist shina zieh a, phattuomna atan uh chiemtena leh namdetna ahi. Amite'n Ama hing pei kia masang a nit ding leh Ama hing kipumpiehna pomna leh ginna etsahnate, phattuompinate, Anasem ding a kipumpiehnate, khat-le-khat kipawlkhawmnate a ensah hi. Khrist guolzawlana tanna khu a Hagau nasepna zal a ginna nei a Mangpa annsieng im zousien a tan ahi.

THUGINPI -IX

Hattuom kipawlkhawmna a pumkhat a um khawm khu gingtute nasep ahia, Sacramente leh Krist ziatan daan dangte, daan thupieh zui siem, thumna nei zing, Mangpa ni nit siengthou, biehna nei dinga kimutuokhawm, thugen ngaikhietna, Pasien in aguolzawl dungzui a silpiehte pie a, Krist toh kibahna hagaulam hinkhuo ama uah, muthei a um a, mite tung a zong nei a, vannuoi buppi a Krist leenggam khanletna ding a nasep leh loupitah a ama hing kilah hun ngah zing a um khu gingtute nasep ahi.

THUGINPI -X

Nitawp ni chieng in mishite khu kaithaw in a um ding ua, tualeh, mi zousie Krist Mangtoupna Vaihawmna masang ah a kilang ding ua, tuachiin a damsung ua a nasep uh ahoileh ahoilou bang zel in vaihawmsah in a um ding uhi. Gingloute leh migiloute'n siemmaw tang in a khelnate zieh un gawt in a um ding ua, hinanleh, Krist gingta a um a, A thupieh zui mite khu dopkang a um in loupina ah loplut in um tava uh.

~~~~~

# KHENPI NINA DANPI (CONSTITUTION)

## Bung - I

### 1. HATTUOM:

Hattuom khu Pasion khat a mihing thum um gingtate leh Jesu Khrist zal a hutdamna tangte zousie kipawlkhawmna khu ahi. Tam Pawl siengthou ahia, khovel hindan gilou lah apat a kikem siengthou, hinkhuo leh nasepnate a Pasion khu a lai zang a koi ding a hatdohthe khu ahi. Khovel pumpi huop ahizieh in muthei leh mutheilou gingtute, hun masa leh tu hun a mite, khovel mun chin a gingtute huop a, chi leh nam, pasal leh numei, azawng leh ahau ahizieh hilou, koima gup tuom-pai tuom neilou, Pasion Laisiengthou thu ginna a nei ding ahia, a ginna leh a silbawltheinate zousie Laisiengthou a kingazou hi. Nuajuite kipawlkhawmna ahia, Mangpa Jesu Krist in a khantante puongdoh ding leh a thuhilte theipitu ding a, a sawldoh ahi bang a khovel pumpi a semdoh ding in. Tam ahi Pasion Hing Hattuom, Krist tahsa, Hagau Siengthou in, gamchin leh khang zousie a (bangchilai pou a) misiengthoute umkhawmna khu ahi.

#### a. Mutheilou Hattuom :

Hattuom mutheilou khu gingu dihtah hun masa leh tu hun leh dachieng a hing um zel ding tengtengte Krist a pumkhat a hatkhawmte ahi ua, Krist khu a lutang ahia, Krist mou, a tahsa, silbangkim bukimsahtu leh bukimna khu a hi. Hagau Siengthou a suhsiengthou a um a, Krist a thupina ding a Hattuomte mawsiet banglou, thupina leh guolzoutu hina puongdoh leh tahlangtu ahi.

**b. Muthei Hattuum :**

Huopzou muthei hattuum khu gingtute thugin pom, gingtute leh a tate uh umna hattuum khu ahi. Tam muthei hattuum khu Pasian thupuondohna a hia, Mangpa Annsiengthou (Sacrament)te khu kulmuuttah a bawldoh dan leh kithununnate kepching leh suhbuching ahi.

**2. PRESBYTERIAN HATTUOM:**

Presbyterian Hattuum khu khawvel a Hattuum kivaipuohna dan chi khat Khangthu a Pasian thu a kibulphu Hattuum kisiempat (Reformation) hun lai a, ana chiin leh zahte ua kinga; tuami'n Pasian bieh dante, siengthoutah a hindante leh Krist Manggam kehletna in Presbyterian Hattuum kivaipuohdan a dingdohsah hi.

**3. INDIA GAM PRESBYTERIAN HATTUOM KHU:**

India gam Presbyterian Hattuum khu Welsh Calvinistic Methodist Hattuum Missionaryte'n 1841 a Khasi Jiantia Hills a, anasep ua pat hing pieng ahi. India Gam Presbyterian Hattuum Pawlpiten Methodist leh Presbyterian Hattuumte kivaipuoh dan khu a lakop uhi. Akizungphu chiil ua kipan in mangthaite hundamna lampi a pui leh mipi vantangte'n Manggam nasepna a, apan thei ding uh khu a hina zungpi uh ahing hita hi. Tuaziehin Eima kitoudel, Eima kivaihawm leh Eima ngei a Khantan hoi puondohte ang pieng doh hi.

**4. HATTUOM KIKHOP:**

Hattuum bieh kikhop khu a mun kiguotsa a Pasian be ding leh gingtute hinkhuo a chawm ding a kalteng a hing peikhawm zing khu ahi.

## 5. PASIAN BIE A, KITHUHILNA LEH KIPAWLKHAWMNA :

Pasianni in gingtute Pasion be ding in a peikhawm zing ding uhi. Pasion biehnah a kul leh a poimaw diehte khu tamte ahi: *Phatna lasahte, Thumnate, Khiei kipuonna, ngaidamna kitheichetna, Kipathu gennate, Kithungetpiehnate leh nuomthu tutna Pasion thu simdoh leh puondohte, Sacrament bawlte, silpieh leh sillatte leh Guolzawlina gente ahi.* Sacrament khu Mangpa Annsiang hawm leh Baptisma ahia, tua khu Siempute bawl ding ahi.

Gingtu tengteng khu Pasion ni chin a Pasion thu zil leh, kal teng a pawlpi thumkhawmnate leh kipawlkhawmna teng a pang ding a phut ahi uhi.

## 6. LAMKAI DETTE

Hattuum Lamkai Dette khu Siempute (Ministers), Probationary Pastorte leh Upate ahi uhi.

- a. **UPATE:** Upate khu hattuumte thatang a Pastorte hagaulam hinkhuo a, vaihawmna lam a, genthei etkolna ate leh hattuumte sum tung a vaihawmnate a panpitu ding a namdet leh teltuumte ahi uhi.
- b. **PROBATIONARY PASTOR-TE:** Probationary Pastorte khu Manggam nasem ding a Ordained ahi masang ua, *Siempu* khat nuoi a Siempu nasem ding a etkai ding a lahte ahi uhi.
- c. **SIEMPUTE (MINISTERS):** Siempute ahi uleh hattuum Lamkai det hisate ahi uhi. Mangpa Jesu Krist Khantanhoite gen leh Sacramente bawl ding a dan bangtah a namdet leh setuumte ahi uhi.

Siempute (Minister)-te khu a hattuum khat a hiei, asang a tamzaw ahiei a hagaulam silte a enkol leh vahlien ding a setuumte khu ahi uhi.

## **7. HATTUOM KIVAIHAWM NA :**

India Gam Presbyterian hattuumten tam vaihawmnate, Tuolsung, Biel, Presbyteries, Synods leh General Assembly-te zang in ama a kivaihawm hi. Tam hattuum vaihawmnate khil tuomtuomten a kul hun in Committee dangte guot theina tha anei chiet uhi.

### **a. TUOLSUNG HATTUOM :**

Tuolsung hattuum ahileh Presbyterian peidan zuite ahi uhi. Hattuum mi hisate a ding in kalkhat sung a Pasian bie a kikhop leh kisuhhattuona ding a peikhawmte leh kikhawpna dangdang akul leh poimaw dungzui a siemtute ahi.

### **b. BIEL (DISTRICT):**

Biel in Presbytery khat huop sung a Tuolsung hattuum 2 amaw, a sang a tamzaw amaw ahuop hi. Hattuum nasep a hatzawh semna ding a kivaipuohna khu ahi.

### **c. PRESBYTERY:**

Presbytery in District 3 amaw, a sang a tamzaw amaw ahuop hi. Presbytery na hileh a gamkai in a huop sung a hattuum umteng a enkol hi.

### **d. SYNOD :**

Synod in Presbytery 4 (li) amaw, a sang a tamzaw a huop hi. A gamkai in a huom sung a hattuumte nasepna leh poimawna etkol khu Synod nasep ahi.

### **e. GENERAL ASSEMBLY :**

General Assembly in ahileh India Gam Presbyterian Hattuum a Synod tuomtuomte khu a huopkhawm hi.

~~~~~

Bung - II

TUOLSUNG HATTUOM

1. MEMBERSHIP :

a. A sung a mite genchetna :

- i. Dan zoukimte :** Dan zoukim ahileh Baptisma tang hattuumte kivaipuohna a lahlut te ahi. Tam bangte khun hattuum silbawl poimawte ah tanvou a tang thei giap uhi.
- ii. Baptisma tang memberte :** Baptisma tang memberte ahi uleh Baptisma tang hinanleh dan zou kim a lahlut nailoute khu ahi.
- iii. Member dangte :** Member dangte ahileh, Hattuum mi hiding a Baptisma tang nailou hinanleh a min uh hattuum a lahlut ding a kigiellutte khu ahi.

b. Baptisma :

- i.** Baptisma tang thei dingte dinmun hattuum chin in tuabang mite a kipawlkhawmna ua puilut a Baptisma a tansah ding uh ahi. **i)** Gingu nu-le-pa etkolna nuoi a ta-le-naute **ii)** Mi koitobang in mipite masang a Jesu Krist khu Hundampa a pom leh gingu hinkhuo hindan a hing utteng.
- ii. Hattuum in ami-le-sate Baptisma tan kia a phallou:**
Hattuum in, a hileh, Baptisma tangsate tansah kia ding in apha thei sih hi.

iii. Nulepate Mopuohna:

A tate uh a neu lai ua Mangpa kung a lat ua, Baptisma (Sacrament) tansah khu nulepate mawpuohna ahi.

c. Lahlutna:

i. Dan zoukim ding a lahlutna:

Koizong hattuum kivaipuohna a gingu/Kristian thuginte theisiemna nei leh gingu/Kristian hinda leh gamtatdan ding theite khu danzoukim, asung a mi a lahlut ding ahi.

ii. Hattuum Mawpuohna:

Hattuum sung a naupangte kum sawmlehli (14) apat a tunglam zousie Mangpa a kipiehnanei ua ahileh puihuoi a dan zoukim a siem khu hattuumte mopuahna ahi.

- d. Peem:** Hattuum mi hisa koizong a umna uh tuolsung hattuum apat a pem khietleh a pemna mun uah, hattuum mi hisa ahina uh zong a peempi ding uhi.

2. KIVAIPUOH DAN:

a. Hattuum kipuidan:

Hattuum khu pawlpi ahizieh in hoitah a nna a sepdoh theina ding un a nuoi a kitahlang bang a hattuum pei ding dan zui dia guonggal ahi.

- i. Preaching Station:** Bang hunlai pou a tuolsung hattuum ahisihleh hattuum kipawlkhawmte'n ginglou mun khat a khantanhoi genna anei ua-tua mun a ging tha anei uleh, Kristian ginna uh Presbyterian Peidan a Baptisma a tanzaw chieng un tua kipawlkhawmte khu hattuum piching khat nuoi ah um va un, ama uh khu Preaching Station chiin min vaw pieh ahiding ua, tua Preaching Station-te pen ahileh hattuum piching khat nuoi ah a um ding uhi.

ii. **Branch Church:** Gingtute vengsung khat a kilawm tah a um khawm, hattuom piching khat nuoi a membership neite pen Biel (District) in Branch Church chi in thaneina a peding uhi. Tuama bang in Preaching Stationte zong Biel (District) in Branch Church ding in, ama uh enkoltu tuolsung hattuom recommend-na toh pieh thei ahiding. Branch Church pen Tuolsung Hattuom khat nuai ah a um ding uhi.

iii. **Local Hattuom:** Branch hattuom khat hattuom piching a um a ut chieng un Presbytery ah Biel (District) leh ama uh enkol tuolsung hattuomte tawn in tuana kikhawmteng leh enkoltu Pastor theipina toh ngetna a bawl ding uhi.

Bangchih laipou a hattuom khat kikhen ding a umleh, ngetna tua hattuom in Biel (District) tawn in Presbytery ah ngetna abawl ding hi.

Tuachia Presbytery in a pom a ahileh hattuom khat siemkhiet ahiding hi. Tua Tuolsung Hattuom hing pieng ding pen in a tangpi in Local Church Committee a nei ding ua , ahin tua Tuolsung hattuom committee kibawldohna ding in a umna masa uh tuolsung hattuom mawpuohna toh sephkieh ahiding hi.

Tuolsung Hattuom pou pou Biel (District) khat nuoi ah a um ding hi.

b. Hattuom Committee kisiemdoh ding dan leh Lamkai guot dan ding :

i. Hattuom khat pou pou a kisiemdoh a kipat akintheipen in hattuom Lamkai dingte a guot ngal ding uh ahi.

- ii. Pawlpi dan bang a Upa teldoh leh namdet ahi zawzaw chieng in tuolsung hattuum chin in Committee a guot ngal ding ua tua khu hattuum a ding in Executive Committee hivan in ahitheitan in Siempu (Minister), Pro. Pastor leh Upa umsate a pat siemdoh ahiding hi. Hattuumten kul asah uleh member dang zong laidal (secret ballot paper) toh tel in a lahbe thei ding uhi: Amabou tua member lahbe a um dinging Biel (District) guonggalna nuai ah ahiding a, amauhte'n kum 3 sung vaihawmna a po ding ua, tel kia thei ahiding uhi.
- iii. Hattuum Committee ding bawldoh a ahing um zaw chieng un, telkhiet a umten ama uh lemgelna toh Lamkai ding a kiguot ding uhi.
- vi. Biel Pastor khu a Biel sung ah Hattuum khat pou pou ah a um chieng in puitu hina a la ding.

c. Hattuum Committee mawpuohnate :

i. Hattuum etkol leh puihuoina

Hattuum Committeete tung ah hattuum etkol leh puihuoina nasep mawpuo ahi ua, etsahna ding in - Hattuum kikhop teng guot masah nate, Hattuum Danpi tu a Danlou bang a umte thununnapih, Hattuum neitah leh sum etkolnate ahiding hi.

ii. Mangpa Annsieng.

Hattuum khat in ama uh tuolsung ah ahi thei tan in Mangpa Annsieng kum khat in thumvei tei beh a nei thei teitei ding ua lemguat ding ahi.

iii) Hattuum Minbupi.

Hattuum chin in a Hattuum mite min giellutna, hattuum mite leh Baptisma tangte Laibupi khu nei in ahun bang zel in a kem hoi ding uhi.

iv. Hattuum Danzoukimte kung a theisahna:

Hattuum Committee in a kul hunhun chieng in a guonggalnate uleh ana vaihawmsate uh pen Danzoukim teng masang a, a theipi ding un a pulah zel ding uhi.

v. Hattuum sung a thubuoite.

Hattuum sung a buoina zousiete ahithe i tan in Hattuum Upate leh Committeete kung a tut ding ahi. Thubuo i Hattuum Committee in a zawloute khu a tung a sangzaw Hattuum vaihawmna ah a tut ding hi.

vi. Hattuum Lamkai detsa: Pastor, Pro-Pastor, Upa, umlouna hattuumten Bieltu Pastor theipina tellou in, koiman Lahlutna, ahiei, Tawpsahna ahiei, thununna chite a bawl thei sih ding hi.

d. Dan zoukimloute:

Koi tuolsung hattuum in zong dan zoukimloute Hattuum mawpuohna satan tang ding in a guot theisih ding hi. Danzoukimlou poumate Hattuum Committee ah a pang theisih ding ua, kivaipuohna sangzaw ah zong tanvou a tang theisih ding.

~~~~~

## BUNG - III

### 1. THUNUNNA

#### a. A Tup.

Kithununna khu Hattuum Committee bawl ding ahi. Atup ahi leh Hattuum khu suhsienghou a um a khelna a puate Krist ah ahing puilut kia ding hi.

Kithununna khu hattuum kipuihuoina ding a poimaw mama ahi. Tam thununna in hagau lam a ding a sil poimawtah a podoh hi. Hattuum mi hisate siem hoi leh venbitnate, Pasian thupina ding leh Hattuum khu sienthoua lam a khantou zelna ding leh Gingtute gin umtah a, ahing pichin theina ding ua panpitu hoi tah ahi. Tam thununna pen Hattuum vaihawmna in a bawl giap ding ahi.

Thununna in Hattuum mi zousie danzoukimsate leh Hattuum lamkai detdoute zong a huop sieng hi. Thununna nuoi a um ding tamte ahi. Tuolthatte, Aangkawmte, Numei-Pasal tung a thangtatte, Aisaante, Gingtute Biehna toh kituoh lou biehna siengthoulou poumate leh Synod in a gam toh kituoh a sil hoilou chia a phallou bawlte thunun thei ahi.

#### b) Thunun dan tuomtuomte:

##### i. Taihil:

Tammi in a tup ahileh Dan Botse-pa/nu khu a suhkhelna theisah khu ahia, atung a sil zumhuoi hing tung theite leh tuate lah a pat pilvanna ding leh tu nua chieng a pilvang ding a thuhil ding ahi. Tam nasepna pen sil suhkhel neite kung a, a guh a taihil ding ahi.

**ii. Hattuum mawpuohna aneite Khawlsah ding dante:**

Tam thununna khu Hattuum Committee in tawnkhiel kisiana dihtah anei chi a thei masangsie uh tam thununna nuoi a umte pen lahlutna a kin bawllou ding uh ahi.

**iii. Hattuum mi hina a pat Nawsuo:**

Nawsuo ahileh Hattuum mi hina lahkhiat china ahi. Tambang vaihawmkhum ngaite ahi uleh Bawllou ding bawl tentun leh khelna thupitah Hattuum liengvaina piengsah thei kisiadan theilou lungtang tahte tung a kizang ahi.

**c. Hattuum Lamkaite khawlsah dan:**

Hattuum sung a vaihawm Lamkai detdou koi ahiei khat a tungthu abuoileh Presbytery in a tungtang a suhsieng masang akul-le-poimaw dungzui in hattuum in a khawlsah thei hi.

**d. Thunun dingte :-**

**i. Tahsa Utna leh Angkawm khelna.**

Koizong Hattuum mi dan zoukim hinapi a Tahsa Utna leh Angkhawm khelna a, apualeh tua khelna bawlpa ahiei bawlpu ahiei khu, Hattuum apat haguh sang a tomzawlou thunun a tuoh ding uh ahi. Tuazou chieng in thununna khu lahkhiat kia thei ahiding hi. Amabou tam thununna kibawlkhumte lipkhiat theina ding in amaute Hattuum in kisiana dihtah nei a, a theileh a lalut kia pan giap ding hi.

**ii. Khelna dangte.**

Tam atung a chilou khelna dangdangte ahileh Synod in pha a sah bangbang in thununna a bawl thei ding hi.

**e. Koizong Hattuum mi hina neisa (Dan zoukim china ahi)**

Thunun a, a um khah tah uleh manlang a Hattuum sung a mawpuohna poimaw lahlut ahi zou nua kum ni (2 years) chin masang tuhsah ahisih ding uhi.

## **2. Vantaang hindan khenkhat apat kikepchingna:**

### **a. Hattuum mite tamte a pat a kikoi siengthou ding ahi:**

- i. Milim biehnate:
- ii. Sum, Ganza leh Bing (Kani)-te, zudawn leh huon, zua leh hawmzah leh zah phal ahisih. Tua thamlou in khamthei dangdangte dihoutah a zah phal a hisih hi.
- iii. Kimawlna (gambling) bawlna chi tuomtuumte bawllou ding.

### **b. Dan siengthou a kiteenna ding a kiguonggal leh theisahna bawl dan.**

- i. Lawmta koizong Dan siengthou a kiteeng nuomte'n a tompen in Hapta 2 masang in Hattuum a a kiten ut thu uh a tut ding uhi. Amabou aloutheilou silte ah Hattuum Committee lemsahna toh a hun suhtomsah thei ahi ding hi. Tam dante azui kimna uh chi phalna nei mougawm ding in zong a thei a ngai hi.
- ii. Indian Christian Marriage Act kizahna mun gamte a zah ahiding a, tua ahilouleh a gam leh namte ngainadante Synod in, a pom bang a zah ahiding hi.
- iii. Kiteenna thu a thubuo i a umleh Presbytery ahisihleh Synod in tua thu ngaituo ding in Committee khat a siem ding hi.

### **c. Kikhulna :**

Indian Divorce Act kizahna mun leh gamte ah tami dan kikhulna ding a, zah hivan, tua ahisihleh Pupa ngaina dan bang Synod pom dan ahiding hi.

~~~~~

BUNG-IV

SUM LEH NEITAH

1. **Silpieh thu ah :-**

Synod chin in ama uh hithei bang in Silpiehte lahkawm ding dan a kivaiahawm ding uhi. Hattuum mi hisate'n Sawm-a-khat leh silpieh tuomtuomte a pieh ding uh lam-et ahi. Synod satan ding a sum leh pai kidongdohte ahibangtah a Bulpi tunsah ding ahi.

2. **Silthawnpieh thu ah:-**

Hattuum nasepna ding a silthawnpieh tapoumate pen Biel (District)/Presbytery/Synod ah theisahna bawl ahi ding hi.

Tam silthawnpieh neitahte enkol ding in koima District, Presbytery leh Synod theipina lou in a tawntung a det in a pang theisih ding hi.

3. **Biel/Presbytery/Synod min a etkol dan :-**

Tambang neitahte khu Biel (District)/Presbytery/Synod-te'n Lamkai a, aguotte un Biel (District)/Presbytery/Synod min in a enkol ding uhi.

4. **Biehinn Bawl :-**

Koi Hattuum in a Biehinn uh lam nuom ahiei, Biehinn phel a lam tha nuom a umleh Presbytery-te phalna lah masah zel ding ahi.

~~~~~



## **BUNG - V**

### **HATTUOMVAIHAWMNATEMAWPUOHNA LEH A NASEP UH**

#### **A. Biel (District) :-**

##### **1. Biel (District) kibawldoh dan.**

Tuolsung Hattuum 2 ahisihleh a sang a tamzaw kigawmkhawm in Biel (District) khat a bawl thei hi. Biel (District) sung dinmun siem leh leptuoh/hawmguolna nasep khu Presbytery/Synod thuneina ahi.

Hattuum koizong Biel (District) khat siem nuom ahisihleh nuasie a, Biel (District) dang a beh nuom a umleh Presbytery/Synod lemsahna a lah masah ding uh ahi.

##### **2. Biel (District) kivaipuohna Member dingte:**

Biel (District) khawmpi a Member dingte tamte ahi uhi:

- a. Siempu (Minister)te, Pro-Pastorte, Upate, Biel Lamkaite leh Biel Committee tuomtuom member-te.
- b. Hattuumte teldoh Palaite.
- c. Presbytery in azat bikhieh sa numei leh khanglai pawl apat Palaite.

Palai khochin in Danzoukim bangzat tang a sawl ding ahiei chipen Presbytery in (Tam Hattuumte palai kisawl na ding a, ahi thei tan a LCC membrete pansah ding ahi) Danzoukim bangza ahei tang a palai khat zel guot thei hihen chia a se dungzui a palai sawl ding ahi.

**3. Mawpuohna leh nasep thei tan:**

Biel (District) khat in ahuop sung a hattuom zousie leh a nasep uh ettupna a nei ding hi. Tuolsung Hattuomten thu ahing tutte uh a ngaituo ding uhi. Biel (District) sung a Anntangham leh silpieh chinteng a enkol ding a, report-te zong a lakhawm ding hi. Sum leh silpieh bangkim Biel (District)/Presbytery ahisihleh Synod khut ah a bawn in a um ding hi. Biel (District) in a huop sung a Hattuom chinten a Pulpit (Pasian thugenna mun) te uh kituptah leh zah ding bangtah a kizang ahinai chi a entup zel ding uhi.

**4. Lamkai dingte tel dan:**

Biel (District) khawmpi masa in a hun leh a mun ding aguotsa bang in kumchin in khatvei Biel (District) khawmpi nei ahiding a, tua mun ah Chairman, Chairman Elect, Secretaries leh Finance Officers/Treasurer-te ahi thei tan in Hattuom Lamkai detdoute apat tel ahiding hi.

**5. Biel (District) Committee.**

Biel (District) chin in tambang Committeete a guot ding uhi.

**a. Standing Committee**

Biel (District) chinte'n Standing Committee, tamteng huop in a nei ding uhi. Office Bearer-teng banah member dang 15 (sawm leh nga) Biel (District) telchingte ahiding uh. Pastor-te leh Pro. Pastorte Ex-Officio ahi uhi.

Tami Standing Committee in Biel (District) sung a thubuoite, thukinte a sai ding uhi. Ahi thei tan in Hattuom lamkai detsate apat tel ahiding a, kum khat sung apaw ding uhi.

**b. Nomination Committee.**

Nomination Committee member dingte, Chairman, Chairman Elect, Secretaries leh Midang nga (5) Biel (District) khawmpi in a telching te ahiding uhi. Biel Pastor-pen Ex-Officio Member ahi. Amaute'n Biel (District) Office Bearer-teng leh Biel (District) khawmpi Programme ding a bawl ding uhi.

**c. Committee poimaw dang.**

Biel (District) in kul asah dungzui in Committee dang a siem thei ding hi.

**6. Vaihawmna gielna Bu .**

Biel (District) chin in vaihawmna leh a thusunte gielthaw in a koi ngei ding a, vaihawmna nukhiapen ah simdoh leh namdet ahiding hi.

**B. PRESBYTERY.**

**1. Presbytery Kisiemdoh ding dan.**

Biel (District) 3 leh a sang a tamzawten Presbytery a siemdoh thei ding uhi. Presbytery piching a kisiemdohna ding a thunei khu Synod ahi. Biel (District) khat in Presbytery dang khat a zop utleh Synod phalna lah ahiding.

**2. Presbytery Vaihawmna Memberte.**

Presbytery khawmpi chieng a palai thei dingte tamteng ahi.

- a. Siempu/Minister-teng, Pro. Pastor-teng leh Uplate.
- b. Presbytery Office Bearer-teng. Ahitheitan a Presbytery Office Bearers dingte pen Hattuum sung a Lamkai detsate ahiding ua, tualeh Presbytery sung a Committee tuomtuom a member-te zong khum bang ahiding uhi.

- c. Biel (District) chin Chairman leh Secretaries.
- d. Palai Biel (District)-te'n a guot uh ahitheitan a Hattuum Committee member a pang nalaite.
- e. Numei leh khanglai palai dingpen Presbytery guot dan ahiding hi.

### **3. Palai Kisawl ding daan:**

Biel (District) chinten tambang in Presbytery Palai ding a guot ding uh ahi.

- a. Synod khat mipi zousie nuoi khat (1,00,000) leh a tung lam neiten palai ding Danzoukim za leh sawm nga (150) zel ah palai 1 a guong ding uhi.
- b. Synod khat mipi zousie 50,000 leh nuoi khat (1,00,000) neiten Palai ding dan zoukim mi zakhat (100) zel ah palai 1 a guong ding uhi.
- c. Synod khat mipi zousie 50,000 sang a tawmzaw neiten palai ding Dan zoukim 50 zel ah palai 1 a guong ding uhi.

### **4. Khawmpi Nei Ding hun bituh:-**

Presbytery-ten kum khat in khatvei tei khawmpi anei ding hi.

### **5. Office Bearerte tel ding dan :-**

Presbytery in Moderator, Moderator Elect, Secretaryte, Finance Officers/Treasurerte leh Statistician a tel zing ding uhi.

Presbytery Moderator ding khu Siempu(Minister), Pro Pastor ahisihleh Upate ahiding hi.

Ahitheitan in, Secretaryte, Finance Officer(s)/Treasurer leh Statistician ding ahileh Hattuum Lamkai dette (Parmanent Office Bearer of the Church)-te ahiding uhi.

Finance Officer(s)/Treasurerte pen a term uh kum thum(3) ahi ding hi.

**6. Synod a thu tut ding dante:-**

Presbytery Secretary in Synod Secretary kung ah, Palai dingte min list toh thu lut dingte pen Hapta kaal 2 masang in Synod Office a tunsah ding uh ahi.

**7. A sep dingte leh a sep thei tan uh:-**

Biel (District) khawmpi a thulutte khu Presbytery in ngaituo van, a hitheitan in thupuasahna a bawl ding hi. Hattuum siemtuohna, suon(transfer), gawmkhawm, lahlut, sutzop leh suhbeina tha anei hi. Upa tel, Namdet suon/pemsah, thununna leh suhtawpna tha a nei hi.

Presbytery in Synod dan bang in Upa telna ding leh namdetna ding a vaihawm ding a, Namdet teng min Synod a, a submit ding uhi.

A huom sung a hattuumte kung a thupie in a panpi ding ua, a kul bang in Synod ah ngetna bawl in thu a tun ding uhi. Tualeh, Pawlpi Laibupi apat sep leh bawl dingte a bawzui ding ua, thupiehte leh Synod a palai dingte zong a guong ding uhi.

Hattuum Presbytery in ama huop sung a neitah zousie Synod thatang in a enkol ding hi (Dinmun khen khat ah ahileh Synod in neitahte akikep uhi). Presbytery nuai a Hattuum tengteng kum chin kisimnate leh thu lutte a ngaitua ding uhi.

Silpieh kipieh dan leh kipeteng report leh Committee-teng apat zong report a lakhawm ding hi.

**8. Kizopna :**

Hattuum khat Presbytery 2 leh asang a tamzaw gamgi a umkha a um a, a umna uh Presbytery apat Presbytery dang a um a utleh a umna Presbytery ah gielthaw in ngetna abawl ding uhi.

A Presbytery in thutanna a siemdoh zoulou uleh Synod ah thutawp bawl ding in a petou ding uhi.

## **9. Report.**

Biel (District) chin Report te Presbytery in ana sang ding hi.

## **10. Hagau lam Khawmpi thupi.**

Presbytery khawmpi chin ah khawmpi thupi genna ding hun a hitheitan a khatvei tei guon ding ahi, tami thupi dingpen khawmpi masa in a guon ding ahi.

## **11. Committee.**

Presbytery chinten tam a nuoi a um Committee teng a siem ding ua, tualeh a kul bang in a dang zong a siembe thei ding hi.

### **a. Standing Committee-te.**

Standing Committee tamteng ahiding.

Office Bearer leh midang 25 telkhiet te ahi ding.

A Presbytery huop sung a Siempute/Pro. Pastor-te khu Ex-Officio ahiding hi.

**A nasep ding:-** Session khat leh Session khat kikal a thu umte ngaituotu ahi ding.

### **b. Nomination Committee.**

Nomination Committee Member ding ahileh Moderator, Moderator Elect, Secretary-te leh midang member nga(5) ahi ding.

A sep ding uh ahileh, Presbytery Lamkai (Office Bearers)-te, Committee tuomtuom member dingte leh khawmpi kia chieng a thugen ding leh thupite leh vaiguonte guonggal tu ahi ding. Member kimkhat khu a Quorum ahiding hi.

**c. Sub-Pastoral committee.**

Sub-Pastoral Committee member ding tamteng ahi. Moderator, Secretary member dang 9, Khawmpi in Hattuum Lamkai detdoute apat a teldohte ahiding uh, tamteng lah a pat thumte(3) Synod Pastoral Committee member ding in pieh tou ahiding uhi.

Sub-Pastoral Committee in akul leh a poimawte a detlou lemguotna (Temporary Arrangement) tha (power) a nei ding hi. Tammi Committee in ahileh Pastor nasepnate etkolna, Presbytery sung a teng a sai ding ua, ngaidan Presbytery ah apetou ding uhi.

**d. Finance Committee (Sum etkolna vaisaipawl):**

Sum etkolna sai ding ahi leh tamteng ahi: Presbytery Lamkaiteng (Office Bearers of the Presbytery) leh khawmpi in a teldoh mi 3-teng ban ah Biel (District) chin Finance Officer(s)/Treasurerte (Ex-officio) member hisa ahi ding.

Finance Committee thuneina ahileh sumlam toh kisai pouma tung tang ahiding a, ahin tuateng-pen Presbytery khawmpi leh Standing theipi ahiding hi.

**12. Finance Officer(s)/Treasurer:**

Presbytery Finance Officer(s)/Treasurer-ten sum lut leh pawtna teng kituptah in laibu ah giel in a kemit ding uhi.

**13. Trusts/Neitah kemte:**

Hattuum silpieh inn leh lou sum kengding teng enkol a kemptup ding a guot memberte ahileh silpieh leh neitahte a kimu bang zel in Synod a theisah ding uhi.

**14. Sum endih dingte/Auditors.**

Presbytery chin in sum leh silpiehte endih ding in mi ni (2) a guot ding uhi.

**15. Synod khawmpi a palai kisawl dan:**

Synod khawmpi a palai ding Presbytery chin in numei leh khanglaite pang in a guong ding uhi. Tua Palai ding ahileh ahitheitan a Lamkai dette ahiding uhi. Synod in Tuolsung Hattuum neutu ah member ching zouloute khu ngaisiem thei ahiding uhi.

**16. Minute Bu/Thupuasah giellutna Bu.**

Presbytery chin in a Thupuasah zousie giellutna ding laibu a nei ding hi. Tua vaihawmna kigiellutte giel leh simkhieh zaw chieng a namdet ahiding hi.

**C. SYNOD.**

**1. Synod kisiemdoh dan:**

Synod Tha kisiemdohna ding in Presbytery li (4) leh asang a tamzaw ahi ding hi.

Synod khat siemdohna ding pen General Assembly mawpuohna leh vaihawmna a kinga ahi. Synod bawl ding a Presbyteryte kizomkhawm ahisihleh Presbytery khat in Synod dang khat zom utte tung a thunei leh phalna peding General Assembly ahi.

**2. Synod khawmpi Palai dingte:**

Synod a palai hina neisate:-

- a. Pastor-te leh Probationary Pastor-teng
- b. Synod Committee tuomtuom a member-teng
- c. Presbytery-teng a Moderator-te leh Secretary-te
- d. Presbytery in a guot palai teng.
- e. Numei leh Khanglai Fellowship apat Synod phut zat.

**3. Synod siim dingte (Visitors):**

Koizong Synod khawmpi hing siim a, Hattuum Palai hisa ahisihleh thungaikhie a koi ahiding uhi.



#### **4. Palai kisawl dan:**

Synod khawmpi chieng in tam bang in Palai sawl ahiding hi.

- a. Synod mising pumpi nuoi ni (2,00,000) sang a tamzawten, Danzoukim mi zali (400) ah palai khat (1) asawl ding.
- b. Synod mi pumpi nuoi khat (1,00,000) leh nuoi ni (2,00,000) kikaal neiten Danzoukim mi zathum (300) ah palai khat (1) a sawl ding hi.
- c.. Synod mising pumpi sang sawmnga (50,000) a pat nuoi khat (1,00,000) neiten danzoukim mi za leh sawmnga (150) ah palai khat (1) a sawl ding hi.
- d. Synod mising pumpi sang sawmnga (50,000) nuoilam neiten danzoukim sawmnga (50) ah palai khat (1) a sawl ding hi.

#### **5. Synod Lamkai kitel dan:**

Synod chinte'n Moderator, Moderator(Elect), Secretaryte, Finance Officerte leh Statistician anei ding uhi. Moderator kum chin a siempute(Pastor-te) lah a pat teldoh ahiding hi. Secretary, Finance Officerte leh Statistician pen ahileh Hattuum Lamkai detsate apat tel ahiding. Secretary in kum ni (2years) sung a sem ding hi. Finance Officerte ahi leh kum thum (3 years) sung a sem ding uhi. Tualeh Statistician ahileh kum chin a tel ahiding hi.

#### **6. Khawmpi nei hun.**

Kum chin in khawmpi nei ahiding hi.

#### **7. Synod nasep dingte (mawpuohna).**

Synod in tambang in mawpuohna nei ding in Synod nuoi a Biel (District)te, Presbyteryte huoikhawm in, gawmkhawm in a khenzah in a subei thei hi.

Presbytery Biel (District) te gamgi bawl in, a dinmunte uh enkai in, dan bangtah in ang thusunte uleh ngetnate vaihawmsah in a huop sungteng kituptah in a entup ding hi.

Synod in Mission Board a phutdoh thei hi. Tualeh, Theological/ Pasion thu zilna leh Kristian ki-etkolna nasepna mundangte a enkol thei hi.

Synod in Siempu ding namdetna nna a semthei a, a Siempu ding chiel in, lalut in, khawlsah in, thunun in zong a tawpsah thei hi.

Pastor-te a Biel ua koi in a ladoh thei hi. Probationary Pastorte thuneina pie in, thunun in zong a tawpsah thei hi.

Synod in ama sum tung ah thuneina tawp anei hi. Synod thuneina nuoi a nei leh lam gouteng tung ah thuneina anei hi.

#### **8. Minlamna leh vaihah thugenna.**

Synod vaihawm kipat masang in min lamna a um ding a, tua zou chieng in, Moderator in dan bang a vaihawm thei ding in khawmpi thaneina a pe ding hi. Tuachi in Moderator pawtdoh pen in Synod ah vaihahna thu agen ding hi.

#### **9. Thupuaasahte Puonna.**

Synod in a thupuasah zousie gielna ding laibu (Minute Bu) anei ding hi. Tam thupuaasahte simkhiet a namdet ahi zel ding hi. Synod chin in a nasep dante uh General Assembly, Presbyterian Church of India ah a tut ding hi. Thupuasah zousiete a bu a bawl a sutdoh a hiding.

## 10. COMMITTEE

Synod chin ah tambang Committee phudoh ahiding.

- a. Executive Committee
- b. Nomination Committee
- c. Finance Committee
- d. Pastoral Committee
- e. Mission and Evangelism
- f. Theological Education Committee
- g. Trustee Committee
- h. Committee dangdangte

Executive Committee, Nomination Committee leh Pastoral Committee chilou Committee dangten Chairman leh Secretary ding a kitel thei ding ua, a vaihawmna teng ua thuphasahte Synod ah a tut ding uhi.

### a) Executive Committee.

Executive Committee ah Synod Office Bearerte, Executive Secretary-te, Synod in aguot Member 5 apat 10 tan leh Presbytery khat zel ah member 3 chiet a teldohte un kum 3 sung Synod guotte toh a pang ding ua, tel kia thei ahiding uhi. Member kimkhat a umleh Vaihawm thei ahiding hi.

Synod Executive Committee thuneina leh nasepdan ding tam a nuoi a bang ahi.

- i. Synod kumtawp vaihawm khawmpi kia masang a Synod khawlsan theiloute leh a huntah a ngaituo ding kiphawmaw zousie ngaituo a sepkhiet ding.
- ii. Presbyteryte sumzahna ding ngaituo masahpiah a siemtuohna leh Synod sumzahna ding Budget leh Synod Vaihawmna khawmpi a tut ding poimawte.

- iii. Synod gamkai sung a Gingtute, Hagau lam a khanletna ding enkol leh ngaituosah a tualeh Synod dangte tanpha huom zou a Hattuum Tawndan peipi (Tradition), Sakhuo leh Biehna dang a gamkai sung a umte etkol leh ginna a puilutna nasepte leh Synod a, a ngaidante uh tut tou ding.
- iv. Synod sum tahsapnate, thu a etkaina nei a, Presbyteryte sum dinmun a kul dungzui a etphatna nei kia a, thupieh leh sum etdihna toh kisai a thuphut leh a kul dungzui a nasep khu Synod Executive Committee mawpuoh ahi.
- v. Neitah zousie innmun, lougamte leh adangte, a kul dungzui in a enkol ding a kiguot Committee-ten thu ahing tutte uh kumpi dan toh kituoh a etkaipi ding a vaihawmna.
- vi. Kumpi gamsung a Kristian Hattuum Pawlpi (Christian Council) khat poupuoh leh Hattuum Pawlpi dangdang toh kikal thu leh Hattuum Danbu (Constitution) tungtang thu a ettuoahna nei a, Synod ah a ngaidante apetou zel ding hi.

Executive Committee pen a kul hunhun a tou thei ahi.

#### **b. Nomination Committee.**

Nomination Committee member ding Moderator leh Secretaryte toh simkhawm in mi sawm leh thum (13) ahiding uhi. Memberte pen kum teng a tel ding ahi uhi.

Kum kia Synod Office Bearer guot leh Khawmpi Programme dingte kum khat masang a guon lawh.

Amaute'n Synod nuoi a Committee tuomtuom-teng member ding a guot ding uhi. Member giet (8) aphahleh Vaihawm thei ahi.

**c. Finance Committee.**

Finance Committee a member dingte khu Moderator, Secretaryte, Finance Officer-te, Synod guot midang nga (5) Presbytery Finance Officer-te/Treasurer-te Ex-Officio member hisa ahiding uhi. Tami Finance Committee ten Synod sung a sum thu toh kisai zousie a enkai ding ua, tuate khu Synod ahilouleh Executive Committee phalna bang in a gamtang ding uhi.

**d. Pastoral Committee.**

Moderator, Secretary-te leh Finance Officerte leh Executive Secretary i/c Pastoral khu a sung a mi hisa (Ex-Officio) a hi ua, tamteng ban ah Presbytery chin in mi 3 chiet ahing telkhiette uh. Member telte khu ahitheh tan in Presbytery a Sub-Pastoral Committee member a pangte ahiding uhi.

Tam Committee term ahileh kum 3 sung ahiding hi. Sethum suo se khat khu Quarum ching ahiding hi. Tam Committee in Sub-Pastoral Committee thutut leh Synod huom sung a Pastorte nasep lam toh kisai pouma thute sai va un, a tawmpen in kum khat a khatvei toukhawm ahi ding.

**e. Mission and Evangelism Committee**

Mission and Evangelism Committee member dingte tamteng ahiding uhi: Synod Moderator leh Secretary (Senior), Executive Secretary Incharge Mission and Evangelism, (Synod in Mission Board Secretary a neileh a pang ding hi) tualeh Presbytery-te a pat member ni (2) chiet ahiding a, member-te term kum thum (3) sung ahi ding hi. Member-teng akimkhat a um uleh Quorum ching ahi.

Synod phasahpi ding in Gammiel nasep lamte ah tha a nei thei ding hi. A kul hunhun ah a tou khawm thei hi.

**f. Theological Education Committee.**

Theological Education Committee ah member 10 apat 15 tan a um thei ding hi. Member dingte ahileh Synod Moderator, Secretary (Senior), Executive Secretary Incharge, Theological Education (Principal, Vice Principal leh Registarte, Theological College nei Synodte a ding in) leh member dang sagi (7) a pat sawm-le-ni (12) guot ahiding hi. A term uh ahileh kum thum (3 years) sung ahiding a, member kimkhat a umleh Quorum ching ahiding hi.

Tam Committee in Laisiengthou zil nuomte kingetna thu ngaituo va un, tualou Synod sung a Laisiengthou zilna lam toh kisai pouma ngaituo in sai va uh, a kul bang in a ki mukhawm zing thei ding uhi.

**g. Trust Committee**

Synod in memorandum of Association a nei bang in Trust Committee a phutdoh ding hi. Tami Committee ah Chairman leh Synod guot member giet (8) a um ding hi. Trust Committee Incharge Executive Secretary khu Secretary ahiding hi. A term uh kum thum (3) sung ahiding a, member guh (6) a pei khawm leh Quorum ching a hi.

Tam Committee in Synod neitah gam, suonkhiet thei leh suonkhiet theilou neitahte a enkol ding uhi, a nuoi a kitahlang bang in na asem ding uhi.

- i. Gam leh inn aneite, silthawnpieh a kimute, kawmzuaite, neitahte a kemtup ding uhi. Gam leh inn suonkhiet thei leh suonkhiet theilou-te, Hattuum a ding a, a kul leh poimaw dan a banda/koikhawm in, zua in kiheng thei ding in vai ahawm ding hi..

- ii. Amaute'n, Biehinnte, Chapelte, Society-te, College-te, Hostel-te, Boarding-te, Hospital Dispensary, Hattuum Hall, Hattuum gam, Hanmuolte leh Siempute leh Semtu dange tenna innte, genthei liengvaite enkai in, a khantouna ding un nna a sem ding uhi, Hattuumte malam suhpiching ding dan a ngaituo ding uhi.
- iii. Hattuum siltupte suhpichinna ding in kul-le-poimaw tenten lawchinna ding in pan ala ding uhi.
- iv. Synod leibat leh dit ngaidingte (liability) a ngaituo ding.
- v. Synod in sep ding a mawpuohna a piehte Synod Executive Committee lemsahna la in report a pe zel ding uhi.

#### **11. SUM ETDIHNA (AUDIT)**

Synod in kum chin in sum kepna lam endih ding in Audit ding mi a guot ding hi.

#### **12. NUMEITE LEH KHANGLAI**

Hattuum nasepnate, Biel, Presbytery leh Synod sung a Numeite leh Khanglaite khantouna ding nasepna tung ah mawpuohna anei hi. Tuachin a maute lah a hattuum nasep a khanlet zelna ding in a kaihuoi ding uhi. Tam Numeite leh Khanglaite'n kipawlkhawmna hun a nei zing ding uhi. Numei Pawl leh Khanglai pawlte palai ding dan Biel (District), Presbytery leh Synod-ten amau gamkai chiet ah a guot ding uhi. Numei Pawlte leh Khanglai Pawlte sepdoh dingte leh a tup-le-ngimte uh khu thugin leh Hattuum ki-etkolna Presbyterian Church of India dan dungzui ahiding hi.

#### **13. NIPI SANG LAIVUONNA:**

Nipi Sang kumtawp Laivuonna khu kum khat sung a zil ding apat bawl ahiding hi. Tam kumtawp Laivuonpen khotuol Hattuum, Biel (District), Presbytery leh Synod level ah bawl ahiding hi.

#### **14. KHAWMPI THUPI (HAGAU LAM):**

Ahitheitan in khawmpi hun sung in khawmpi thupi Hagau lam khat vei tei mipi kikhop hun sung a gen ahiding a, tua thupipen kum khat masang a guonlawh ahiding hi.

#### **D. REGIONAL ASSEMBLY**

General Assembly phalna toh Synod Ni (2) ahiei asang a tamzawte'n Regional Assembly a bawldoh thei ding hi. Tam Regional Assembly-pen General Assembly in hondohna nna a sem ding hi. Regional Assembly-pen Hattuum vaisaina ahilou zieh in a mau kivaipuoh ding dan pen Constitution kallou leh subuoi lou ahiding hi. Synod-te thaneina a kinga khalou Common Project-te tung thu ah General Assembly Executive Committee in ana sang (receive) zel ding hi.

#### **E. THE GENERAL ASSEMBLY.**

Presbyterian Church of India nuoi a, Hattuumtengteng tung a thuneitu Hattuum vaihawmna sangpen khat a um ding a, tua vaihawmna khu General Assembly chi ahiding hi.

##### **1. GENERAL ASSEMBLY VAIHAWMNA A MEMBER HINA NEISATE:-**

- a. Minister-teng leh Probationary Pastor-teng
- b. General Assembly sung a Committee member-teng.
- c. Synod Moderator-te leh Secretary-te.
- d. Synod teldoh Palai teng.
- e. Numei Pawlpite a pat palai 20.
- f. Khanglai Pawlpite a pat palai 20.

##### **2. PALAI KI SAWL DAN.**

Synod khat sung a Presbytery zousie'n General Assembly a ding palai 5 chiet a sawl ding ua, ahitheitan in Upate ahiding uhi.



### **3. ASSEMBLY KHAWMPI NEI ZING DING DAN.**

General Assembly Khawmpi khu kum 2 zel a nei ahiding a, a hun leh amun khawmpi masa in a guot zelna mun ahiding hi.

### **4. LAMKAI DING TELDAN.**

General Assembly in Moderator, Moderator Elect, Secretary 2, Sumkemt (Treasurer) leh Statistician a nei ding hi, a maute pen Hattuum Lamkai dette a pat ahiding uhi.

Moderator leh Moderator Elect-te pen kum nii (2 years) zel in Minister-te apat tel ahiding uhi.

Secretary-te, Treasurer, leh Statistician ahi uleh Hattuum Lamkai dette apat ahiding hi. Secretary ahileh General Assembly Khawmpi 2vei tan zel a pang ding ua, tualeh General Assembly Khawmpi chin in Secretary khat (1) tel ahiding hi.

Treasurer khu General Assembly term ni (2) Khawmpi 2vei sung apang ding a, Statistician ahileh kum 2 dan a tel ahiding hi.

## **5. GENERAL ASSEMBLY NUOIA COMMITTEE-TE :**

### **A. Executive Committee.**

#### **i. A kisiem dan.**

Executive Committee a um dinga tambangte a member ahiding hi.

- (a) Moderator, Moderator Elect, Secretary-te, Treasurer, Statistician, Administrative Secretary-te leh General Assembly a Theological Education Committee Secretary toh.

- (b) Synod chin apat General Assembly guot member khat (1) chiet.
- (c) Synod Population Nuoi 3 tunglam neiten member 8 chiet a guot thei ding uhi.
- (d) Synod Population Nuoi 2 leh nuoi 3 kikal neiten member 5 chiet.
- (e) Synod Population Nuoi 1 leh nuoi 2 kikal neiten member 4 chiet.
- (f) Synod Population Nuoi khat nuoi lam neiten member 3 chiet.
- (g) Presbyterian Youth Fellowship-te leh Prebyterian Women Fellowship-ten palai ni (2) tuoh a guong ding uhi.

Tami Assembly Executive member dingte ahithe i tan a Synod Executive member te lah apat ahiding ua, a term uh ahileh kum thum (3) ahiding hi.

Moderator, Secretary-te khat penpen ban ah ahithe i tan in Synod chin a pat member-te khat chiet pang a member kimkhat a umleh vai a hawm thei ding uhi.

**ii) Thuneina leh sepdingte.**

Executive Committee sepding leh thuneinate.

- (a) Assembly Khawmpi masang a bawl ding bangkhaite leh hun laplou dingte General Assembly thatang in a na bawzui ding uhi.
- (b) A kum kia General Assembly Budget ding a bawl ding uhi.
- (c) Missionary sawl leh etkolna nasep.

- (d) Khristian bangzat ahiei in Synod khat apat Synod dang a kisuon a ut uleh General Assembly huomsung a Hagau lam poimawnate leh adang etkaina nasepna.
- (e) Synod dangdangte khantanhoi nasep malah nate, Hattuum zousia huop a. a lawh theipen a, a ki mantheina ding uh a ngaituosah ding hi.
- (f) Presbyterian Church of India neitahte zousie etkol leh a entuup ding Trust Committee siem sah.
- (g) Wales Gam a Presbyterian Hattuum leh Pawl dangte tungtang zilsah leh enton a ngaidan pe ding a ngansie.
- (h) Synod chin apat member 1 chiet guotna leh Administrative Secretary khat Nomination Committee tungtawn a General Assembly pom ding a guotna.
- (i) General Assembly Vaihawmna Hun khat sung huom in member ding 5 tan Adviser dan ahisihleh member piching ding in a guot thei ding uhi.

## **B. Nomination Committee**

Nomination Committee ah Office Bearer-teng leh Administrative Secretary-te lah a pat khat banah Synod chin a pat member khat chiet a pang ding uhi.

Moderator, Moderator Elect, Secretary-te, Treasurer, Statistician leh General Assembly member dingte a guonggal ding ua, Nomination Committee chilou.

Member giet a umleh vai a hawm thei ding uhi.

Synod chin a pat member-te leh Administrative Secretary khu Executive Committee in a guot ding ua, General Assembly in pomna (approved) a nei zel ding hi.

**C. Finance Committee.**

Finance Committee ding tambang ahi. Office Bearer-te, Administrative Secretaries, member mi- 5 (nga) General Assembly guon leh Synod chin a pat Finance Officers/ Treasurer khat (1) khu Ex-Officio member ahiding uhi. A term uh ahileh kum 3 ahiding a, kum khat in khatvei tei Committee nei ahiding hi. Sum-le-pai saina lam ah thuneina a nei ding ua, tua khu General Assembly ahiei Executive Committee ahiei in approve a bawl ding hi.

**D. Mission and Evangelism Committee.**

Mission and Evangelism Committee ding tamteng ahi: Moderator, Secretary-te, Treasurer, General Assembly Administrative Secretary-te leh Synod chin apat Member ni (2) chiet leh PWF leh PYF a pat member khat tuoh ahiding hi.

Synod apat member dingte Synod chinten a guong ding uhi. Ahitheitan a member-te pen General Assembly Executive member a panglaite leh a mau Synod a Mission and Evangelism Committee member-te ahiding uhi. A term uh ahileh kum 3. Tualeh, Moderator, Chairman hivan, Administrative Secretary Incharge khu Secretary ahiding a, member-te akimkhat a umleh Quorum ching ahiding. Tami Committee in a thaneina toh mi thum (3) tan a chiel thei ding a, sen ding bangma a umleh General Assembly in a seng ding hi. A hitheileh kum 1 in khatvei a toukhawm ding uhi.

Tami Committee in General Assembly leh Executive Committeete kung ah tambang mawpuohna anei ding hi.

- i) Assembly huom sung leh pulam a Mission nasepnate masawna ding leh etkolna nate.
- ii) Synod chin Mission nasepna leh Khantanhoi puonzahna a, a sepkhiette uh etkaipina.
- iii) General Assembly nuoi a Hattuumte Khantanhoi thuhil leh Mission nna a, a mawpuohnate uh theitheih ding a puihuai leh masawnsah ding.
- iv) Khantanhoi gen dan zilkhawm ding a Seminar leh Conference guonggalna.
- v) Synod-te toh direct a ahun zil a kithuzahtuona.
- vi) General Assembly in fund a neite zah ding dan siem in, tam Committee in a enkai ding.
  - a) Mission nasepna ding a sum leh pai a mawpuotu ahiding hi.
  - b) General Assembly ahisihleh Executive Committee pom ding in Budget a guonggal ding hi.

#### **E. Theological Education Committee.**

Theological Education Committee a, member ding tambangte ahiding uhi.

General Assembly Moderator, Secretary-te, Treasurer leh General Assembly Administrative Secretary-te, John Robert Theological Seminary leh Aizawl Theological College Principal-te leh Synod-teng apat member kiguot ni (2) chiet leh PWF leh PYF a pat member khat tuoh ahiding hi.

Tam Committee in a mau Chairman leh Secretary a kiguot ding uhi. Membrete term kum thum (3 years) hivan guot tha thei kia ahiding uhi.

Tam Committee in General Assembly huop a kitup tah a Theological Education lam khantou theina ding lam a entup ding a, Theological College-te a nasepte uh kaikhawmna leh, Governing Boardten report kum chin a ahing bawlte uh a ngaituo in a entup ding uhi.

Executive Committee ah kumtawp Budget a pelut ding uhi. General Assembly hunte ahisihleh Executive Committee tou khawm hun chieng in kum khat (1) in khatvei a Committee zel ding uhi.

#### **F Christian Communication Committee.**

Tami Committee a membrete ahileh General Assembly Moderator, Secretaryte leh Administrative Secretary-teng ban ah General Assembly guot member ni (2) leh Synod chin apat member ni (2) chiet ban ah PWF leh PYF a pat khat tuoh ahiding uhi. General Assembly in Committee Chairman leh Secretary ding a guot ding hi. Membrete term kum thum (3) sung ahiding hi.

#### **A mawpuohna leh a sepdingte uh:**

Tami Committee in General Assembly leh Executive Committee tung ah tambang in mawpuohna anei ding hi.

- i) Presbyterian Church of India thugiel (literature) lam leh a peipi dan dingte (Policies) General Assembly ah thu a tun ding hi.
- ii) Synod/Presbytery leh Biel (District) sung a Christian Communication Committee umte sil peipi ding dan leh panlahna ding bawlsah, Laibu zuana leh laibu zuana mun dangte, India Gam Presbyterian Hattuumte toh kizopna nei ding panlahnate abawl ding a, Committee in abawlsahte apat report amu zel ding hi.

- iii) Sum-le-pai a panpina General Assembly Executive Committee-te kung ah a ngetsah zel ding hi.
- iv) Laigielna lam Audio-Visual Aids, Video Cassette, CD bawl leh hawmzah dan dingte zilsahna in Workshop, Seminar, Consultation leh Conference-te gam pumpi huop in ahiei, gam biel khat huop in ahiei abawl zel ding hi.
- v) India Gam Presbyterian Hattuum te leh Hattuum dangte toh kikal a laigiel lam nasepna ah Hattuum thataang a mawpuotu ahiding hi.
- vi) General Assembly in ahiei Executive Committee in ahiei Hattuum min leh a thatang a mawpotu ding a guot Presbytery ahiei (Khristian Tangkou) laibu khat a endih a sut leh asuotu leh ahawmzahna ah mawpuohna anei ding uhi.
- vii) Laigielna lam, Audio-Visual, Video bawlkhiat, laigiel poimaw kep hoi leh laibu lui kep hoina lam. Tulai laigielna lam a khantouna thezahtu leh hattuum in a somdawl thei ding laibu zuanate theisahtu ahiding uhi.

#### **G. Peace and Justice Committee**

Tami Committee Moderator, Secretary (Sr), Treasurer, Administrative Secretary-te ban ah General Assembly in a guot member-4 (li), Synod chin apat member khat chiet leh PYF leh PWF apat member khat tuoh ahiding hi.

Chairman khu Committee member-te lah a pat telkhiat ahiding a, Secretary ahileh ASdministrativeSecretary i/c Peace and Justice Committee ahiding hi. Ahun sung kum thum (3) ahiding a, tel kia thei ahiding hi. Member kimkhat a umleh vaihawm thei ahi.

### **Anasep dingte:**

- i. Chi leh nam kal buoina, vangsietna tuohte, panpi ngaite , neh-le-dawn, sum-le-pai hahsate leh vantang hindan phazoulou tuomtuomte mihing kibawlsietna thute, lemna leh muonna thu toh kisai.
- ii. Lemna leh thutah nelsie a umnate
  - a) Theisiemsahna,
  - b) Zilsah,
  - c) Thuhil leh genkhawmpi,
  - d) suikhie
  - e) Suhdih leh siemphatna ding lampi tuomtuom ngaituosah.
- iii. Tup leh ngim kichien anei theina ding ua vaiguonte siem.
- iv. Synod sukhalou a sum muna ding vaiguon saisah.
- v. Akibahpi Pawlpi dangdang gambih, gam pumpi leh khovel huop a umte toh sephawm.

- H. Trust Association/Trust Management Committee:**  
Tam Committee khu India Gam Presbyterian Hattuum kikkaikhawmna General Assembly lemsahna toh Trust Management Committee chia Solkal a giellut (Registered) ahiding a, tua khu Management Committee in a enkol ding hi. Tam Committee member khu General Assembly Office Bearer teng, Administrative Secretary-te, Synod chin apat member khat chiet ahiding hi. Moderator khu Chairman hivan, Sr. Administrative Secretary khu Secretary ahi ding a, ahun sung kum-3 (thum) ahiding hi. A poimaw dungzui in a kimukhawm thei ding uhi. Member kimkhat a umleh Quorum ching ahiding hi.



## **6. GENERAL ASSEMBLY NASEP DINGTE:**

General Assembly thuneina leh nasep dingte khu tamte ahi:

- a) Synod chin apat a Report, Kisimpina, ngetna leh thututte na laikhawm ding.
- b) Asepkhawmpi Hattuumte leh Council-te thutut laikhawm ding
- c) General Assembly Committee tuomtuom apat report leh thu poimaw laikhawm ding
- d) PWF leh PYF-te apat a report leh thu, a enkoltu Administrative Secretary tungtawn a thu laikhawm
- e) General Assembly biel pulang a Hattuum in Mission nna a septe genkhawmna leh geltupna leh panlahna
- f) Apoimaw hun a Synod tha siemdoh leh a umsa leptuohte
- g) General Assembly leh Hattuum Pawl dangte kikal a thu um tapou ngaituote
- h) General Assembly leh Wales Gam Presbyterian Hattuum kikal a thu um zousie ngaituote
- i) General Assembly toh kisai zousie a tung a kitahlangloute zong a ngaituo ding hi

## **7. GENERAL ASSEMBLY THUGEEL (MINUTE)**

General Assembly in minute bu anei ding a, thuphasah zousie giellut ahiding hi. Tuachiin sim leh namdet ahiding a, tam thungaituote sap ham a giel a, suokhiet ahiding hi.

## **8. HAGAU LAM THUPI LEH MANGPA VUMKHAWL ANN**

General Assembly khun Pasian bieh kikhop khatvei tei General Assembly Khawmpi masa in Hagau lam thupi ana telsa khu gen zel ahiding hi. General Assembly Khawmpi chin in Mangpa Vumkhawl Ann hawm zel ahiding hi.

## **9. HATTUOM DANG A PALAINA**

Akul-le-poimaw dungzui in General Assembly in Wales Gam Presbyterian Hattuum General Assembly leh Hattuum Pawl dang ah Palai a poimaw dungzui in asawl ding hi.

~~~~~

Bung -VI

HATTUOM LAMKAI DINGTE KITELNA LEH NAMDETNA

Kitelna khu koi ahiei khat hattuum nasem ding thupi leh Ulsuntah a teldoh khu ahi. Namdetna khu koi ahiei khat hattuum nasem ding a thupi leh Ulsuntah a tuomse khu ahi.

1. UPATE:

a. **Kitelna:**

Koi zong hattuum Upa tel utten Biel (District) tungtawn in Presbytery ah ngetna abawl ding ua, Presbytery in a thukimpi leh atel ding in Siempute, Probationary Pastorte, Upate apat in mi 2 amaw asang a tamzaw amaw asawl ding hi. Kitelna khu koima theilou a laidal a gielthaw abawl ding ahi, duthusam ahileh Presbyery khutsuoh laidal (Seal nam ding) hi se seleh deitel ahi.

b. **Tel theina ding a danzoukim zat.**

Hattuum sung a dan zoukim umzat akimkhat tei a umlouleh (akikhop sihleh) kitelna nei thei ahisih ding hi.

c. **Chin theina ding a Vote poimaw zat**

Akitelte lah a koi zong se 3 akhen se 2 in atel sihleh koima telching a puon ding ahisih hi.

d. **Upa hiding a tel theiloute.**

Koizong hattuum dan zoukim ahi a pat kum 5 achin masang leh dan zoukim ahi nua a angkawm/kingai khelna a, apualeh Upa ding a koima tel ahitheisih ding hi.

- e. **Presbytery a min piehlut ding:** Upa ding a telchingte ateltute'n Presbytery ah amin pelut va un, Presbytery in namdet ding dan a lemguot ding hi.
- f. **Upa hina dinga chitnate:** Hattuum ten Upa a tel dingte hinkhuo pilvangtah a, a etchien ding uh ahi. Upa ding a tel koizong Pasian thu theina lam ah amaw, gamtat Kristian hindan a chingla a umleh Presbytery in anuol thei hi chi hattuumten a thei ding uh ahi.
- g. **Namdet dan ding:** Presbytery Khawmpi a Upa namdet dan ding tam anuoi a bang ahiding hi.
 - i) Hattuum in ama atelching a kipat a, ama mimal kimukhieh dan (Personal Conviction) thu a puon ding ahi.
 - ii) Khantan hoi 4-te, Sacrament, Hattuum Thununnate leh Hattuum Thuginpi Sawmte thudohna ah lungkimtah a dawnna apieh ding ahi.
 - iii) India Gam Presbyterian Hattuum (PCI) Danbu (Constitution) dettah a pomna thupuonna anei ding hi.
 - iv) Upa hiding a telching ahina pomdetna anei ding hi.
 - v) Presbytery Moderator in (Namdetna) thu tambang in anei ding hi (mipite ding va un):

Mangpa Jesu Krist, Hattuumte Lutang leh Kumpipa khatbou min leh Presbytery thaneina in nang..... khuPresbytery sung ahattuum Upa hiding in kahing namdet uhi. Tam nasep khu kipahtah in sem buching inlen na nasep bangbang a puonzahna nei ding nahi bang in taimatah in sem in. I Mangpa Jesu Krist lungsietna in nangma hing umpi zing taken Amen.

- vi) Hanthawanna leh Latna thungetna in azui pai ding hi.

h. Upa pemte tungtaang.

Koi Upa zong hattuum khat apat a hattuum dang a, apemleh Presbytery sungmi hina anei den a, apemna hattuum in Upa in telkia sihnanlezong asungmi hina aneiden hi. Presbytery sungmi hina toh a tenna gamkai, Biel (District) ah zong asungmi hina anei den hi.

i. Namdet kia ngailou.

Koi Upa zong hattuum khat pemsan a, hattuum dang khat a, a umleh Presbytery sawl palai mi 2 ahiei asang a tamzaw ahiei in theipi a, telching ahisihleh apemna hattuum ah Upa ahitheisih ding hi. Telching a, a umleh Presbytery ah thu kitutvan hinanlezong namdet kia a ngaisih ding a, puon thaw ding ahi.

j) Pemna lai.

Koi Upa zong Presbytery khat apat a, Presbytery dang a, apemleh pemna lai pieh ahiding hi.

k) Upa pemsan nua pemit kiate.

Koi Upa zong apemsa a umna hattuum a, nua pemit kiate khu Upa ahina ngai bang ahikia ding hi.

2. PROBATIONARY PASTORTE.

a. Azil ding a kiguot zil zoute.

Probationary Pastor a guot thei dingte khu General Assembly pom leh theipina Laisiengthou zilna College a Laisiengthou hoitah a vazil zoute bou khu ahiding hi.

b. A nasep dingte: Probationary Pastor guot a um koizong {Mangpa Thuhun} Sacrament-Baptisma leh Mangpa Annsieng) chiloungal Siempute/Pastorte nasep bangbang asem ding a Siempu khat kawhmu leh puihuoi dungzui in asem ding hi. Amapa khum nasep sem ding a hat ahina thu, hattuum kivaipuohna lam a theinate leh hattuum Danbu a nit dan thu ah Synod a thutut ahiding hi.

c. Guot ding dan.

Synod Khawmpi hun in amaw, Executive Committee toukhawm hun in amaw Probationary Pastor ding aguot thei ding hi.

Moderator in Khawmpi thuneina toh tam anuoi a thute gen in guotna leh latna anei ding hi.

Mangpa Jesu, Krist Kumpipa khat bou leh Hattuumte Lutang min leh Synod thaneina in nangkhu Probationary Pastor hiding in kaching guot uhi. Tu a kipat in Sacramentte (Baptisma leh Mangpa Annsieng) chiloungal Siempu khat nasepnate na sem theita a, Pasian phasahpi thei ding khop in lungluttah in nangma kipelut inlen, nasem mi in anasep akizumpi ding ahisih a, thutah khu tangtah a, na peipi ding ahi.

Mangpa Jesu Krist lungsietna in nangma hing umpi zing taken, Amen.

d. Akoi ding dan (Induction):

Biel (District) a umna ding mun a va koi ding in Synod in Siempu khat leh Upa khat aguot ding hi.

e. Kizilna hun sung.

Tulmawna thu poimawtah a um loungal leh Probationary Pastor kisin hun sung a tawmpen in kum 3 sung ahiding hi. Tualeh, kisinnapen chi 2 a khen ahi.

(i) Laizil dingte.

- a) Synod Theological Committee in Probationary Pastorte Laizil dingte azildan dingte uh aguot pieh ding hi. Tualeh, Probationary Pastor in azilte akul leh apoimaw dungzui a guotpieh (a enkoltu)te kung ah gielthaw in theisahna ape zel ding hi.

- b) Theological Education Committee in kizilna simmun siempieh in kum 1 in khatvei tei laivuonna aneisah ding hi.
- c) A Laizil dingte ahileh:
Laisiengthou, Theology, Religion, History of Christianity, Christian Ministry, Christian Education leh a dangdangte ahi.

(ii) Nasep lam

Presbytery Sub-Pastoral Committee in a nasep pilvangtah a enchien in asepdan bangkim Synod ah theisahna kum chin in ape ding hi.

f. Pastor Piching nasep

Etkhiehnna hun sung kum 3 achin a, a Biel (District) in Probationary Pastor khu Pastor piching nasep sem ding a ching asahleh Sub-Pastoral Committee tungtawn in Presbytery ah ngetna abawl ding hi. Tuanah Presbytery in atungtang thu hoitah a kanchien in lungkim huoi asah leh ngetna khu Synod ah angetsah ding hi. Tualeh namdet ding thupen Synod thuneina ahita hi.

g. Pemsahna (Transfer)

Presbytery Sub-Pastoral Committee in kul asahleh a Presbytery huong sung ah Probationary Pastor a pemsah (transfer) thei a, pem ding kul asahna thu leh apemna thu phasahpi ding in Presbytery leh Synod ah atat ding hi. Presbytery khat apat Presbytery dang a Probationary Pastor pemsah (transfer) khu Synod bou in thu anei hi.

h. Khawlsahna leh adangdang

Probationary Pastor khat in anasepna leh hindan apat bawlkhiel aneileh Presbytery theisah ahiding a, Synod in atungtang thu angaituo masangteng Presbytery in anasep a khawlsah thei hi.

3) SIEMPUTE LEH PASTORTE.

a. A mawpuohna leh anasep dingte.

Poimawna tuom mawng a guot ahisihleh Siempute'n a Pastor nasepna mun (Biel) neiva un tuanah Pasian thu puonzahna leh Mangpa Thuhun Sacramente (Baptisma leh Mangpa Annsieng) tung ah khut a zang ding uhi. Tambang Pastor nasepna-pen mundang (biel dang) a khut azah ding leh Bieltu Pastor toh kithukim in asem thei giap ding hi. Siempu nasep thupipen ahileh Pasian thugen, Sacrament hawm leh Baptisma tansah, gingtute suhhat, bawlsietna thuohate hamuonna Krist tahsa suhpichinte , ama mawpuohna sung a mi zousie ve a, enkawl in, hattuum dihtah a kivaipuohna dan, silbangkim a lamzanna ding a tha leh zung, lungsim leh ngaituona aseng ding hi.

b. Siempu ding a namdetna.

Koizong Siempu a namdet ahi masang in a hindan leh Sakholam a nasep (experience) thute, bang zieh a Siempu hi ut ahiei chite hoitah a doh chet ahiding hi. Tam zousie tung a Synod a lungkim a, kizilna leh zilsahnate hoitah a, azaw bukimleh namdet thei ahi.

Koizong dan zoukim ahinua a, aangkawm khelna a, apualeh namdet thei ahisih ding hi.

c. Siempu Namdet ding dan.

Synod in Siempu anamdet ding chieng in Bieh kikhopna hun mandan ding tam anuoi a bang ahi.

i) Namdet a um dingte min simkhiehna.

ii) Moderator in namdet dingte Dan dungzuitah a teldoh ahileh hilou Synod adong ding hi.

iii) Namdet dingte thugin sawmte dohna anei ding hi.

- iv) Namdet dingte India Gam Presbyterian Hattuum Thuginpi a pomna thupuon leh hattuum Danbu apomna leh hattuum Siempu hiding a anasepte gin-umtah a semkhe ding a kichiemna kulmuttah in anei ding hi.
- v) Dohna zousie dawnna kilawm a, adawn zaw chieng in Moderator in namdetna anei ding hi.
- vi) Tualeh, Moderator in namdet dingte lutung ah khut ngam in namdetna kamteng gen van in, tua hun sung in mipi kikhawm zousie a ding ding hi. *Mangpa Jesu Krist, Kumpipa khat bou leh hattuum Lutang min leh Synod thaneina in India Gam Presbyterian hattuum Siempu hiding in, Pasian in ahing hatna mun heisung pou a Khantanhoi puongzah ding leh (Mangpa Thuhun) Sacrament-Baptisma leh Mangpa Annsieng tung a khut zang ding in kahing namdet uhi. Tam nasepna tung ah A Hagau in nangma hing umpi zing taken. Amen.*
- vii) Namdetna thungetna.
- viii) Thumsahna zou in Moderator in chibai buh in “Kouten kipawlkhawmna khutzieltam toh Pasian gam nna sem ding in ka hing lamdot uhi” chi in Ex-Moderatorteng in zong chibai a buh ding uhi.
- ix) Namdet a umte khu Namdetna Lai (Certificate) Synod Moderator leh Laigieltute suoi bawlsa khu pieh ahi chiet ding uhi.
- x) Siempu khat in namdetna a umte hanthawmna thu agen ding hi.

d. Siempu nasepna mun guot dan.

Pastoral Committee in Siempu nasepna mun guot leh sawn kuol tungtang a ngaituo ding a, a ngaituona uh phasahpi ding in Synod ah atut ding uhi. Synod in Pastoral Committee ngaituona apom zou chieng in Siempu tha khu abiel (Station) a koi ding in Siempu 2 amaw, Siempu 1 leh Upa lamaw asawl ding hi.

e. Tawpsahna.

Koi Siempu zong, anasep leh mawpuohnate zieh a namdet ahina thute kitheimawbawl a, a umleh bangchihlai pou a zong tawpsah thei ahia, a Siempu hina apat a tawpsah a um in, namdet ahina zong khu lahdawh (lipkhieh) ahi ding hi.

4. A DINMUN NGAI A GUOTKIA THEI LOU.

Hattuum Vaihawm Lamkai hisa koizong angkawm khelna zieh a thununna (tawpsah) a umte khu anasep bang sem kia ding a guot kia thei ahisih ding hi.

~~~~~

## **Bung-VII**

### **A. ATAANGPI A ZUI DAAN:**

Tami Danbu in Hattuum Vaihawmna kimtaha agenlou zieh in Synod leh Hattuum Vaihawmnate ah a poimaw bang zel in Danbu kallou in thu dang thupuasah leh phasahpina abawl thei zel ding hi.

### **B. DANBU SIEMPHATNA:**

Danbu sung a siemphat ding a umleh General Assembly bou in siempha in a sulamdang thei giap ding hi.

### **C. DANBU HILCHETNA TUNGTANG:**

Danbu hilchet thu ah General Assembly bou in thu anei a, ahilchet khu thutawp ahi.

## **DANTE (BYE-LAWS)**

Dante khu Danbu a thu ataangpite suhpichinna a dante (dan neunoute) khu ahia, Danbu sung a kimtah a koi ahisih a, tua dante khu a poimawna bang zel in Executive Committee in a enpha in a sudanglam thei ding hi.

### **1. ADMINISTRATIVE SECRETARY-TE:**

General Assembly in nichin a nasep dingte hoitah a asep a, a pei theina ding in Synod dangdang apat aguot Administrative Secretary thum (3) in nasem van in, Amaute anasepna zal un General Assembly Lamkai dette ahiding uhi.

#### **a) Asep hun sung:**

Administrative Secretaryte hun sung ding khu kum 3 hivan in, hun 1 (term khat) belap kia thei ahi giap ding uhi. Administrative Secretary-te a tou sawtpen khu Senior (Sr) chia zah ding a lemsah ahi.

**b) Guot ding dan:**

- i) Administrative Secretary dingte ahileh General Assembly sung a Siempu koizong anuoi a chitna kitahlangte guot thei ahi.
  - (a) Probationary Pastor ahi apat kum sawm leh nga (15) nasepna semsate.
  - (b) Serampore Collage (University) amaw, pomthei dang University/Collage amaw, apat B.D. Degree neite.
  - (c) Deituom in a umna Synod ah amaw, General Assembly ah amaw Executive Committee member hisate.
- ii) Executive Committee in Synod-tengteng kung ah Administrative Secretary ding chielna anei ding hi.
- iii) Administrative Secretaryte khu Executive Committee in a tel zel ding a, a telna ah, a sepna Synodte ngetna a en ding a, ahitheitan ah kiguoltuohtah a deina pen tel ahi zel ding hi.
- iv) Administrative Secretary ding a, a guotte uh pom ding in General Assembly ah a tut zel ding uhi.
- v) Administrative Secretaryte hun khat a guot khawm ding ahisih a, a tha leh a luiten kum 2 tei a sepkhawm zel theina ding un; Administrative Secretary 1 amaw, 2 amaw atha ahing lut hun chieng un aluite a khawl zel ding hi.

**c) Guot kiana:**

- i) Working Committee in Administrative Secretary hun a tawpma kum khat (1) masang in a tawp ding thu Executive Committee kung ah a theisah ding hi.
- ii) Administrative Secretary guot kia tungtaang thu ah, guot kia ahi dingleh kum li (4) a sep hoileh hoilou nguntah a ngaituo ahi nua chieng a, a lungkim umleh guot kia ahiding uhi.

iii) Executive Committee in Administrative Secretaryte a guot kia ding leh a umna Synod a theisah ding a, hun (term) 1 dang a sep kia ding phasahpina a ngetsah ding hi.

iv) Executive Committee in Administrative Secretary a guot kia thu General Assembly a theisah ding hi.

**d. Administrative Secretary-te nasep dan dingTangpi :**

Administrative Secretaryte khu General Assembly Office ah ahitheina teng utoh sem ding a kineppi ahi uhi. General Assembly theipina lou in nna dang mawpuohna anei theisih ding uhi. General Assembly nna hoitah a, a septheina ding un Administrative Secretaryte'n General Assembly Inn (House) a, a um chiet ding ua lam-et ahi uhi.

**e. Administrative Secretaryte mawpuohna dingte:**

Working Committee in Administrative Secretaryte nasep ding dan (mawpuohna) a guotsah zel ding hi.

**f. Sum lam sai Administrative Secretaryte sep ding dan:**

Tam anuoi ate Administrative Secretary sumlam saiten mawpuohna anei ding uhi.

- i) Nichin General Assembly sum paina a entup ding hi.
- ii) Sum zangtu kung a sum zah phalna pieh.
- iii) Kum chin Budget Treasurer toh asiem ding.
- iv) Kum chin a Chartered Accountantte etdih ding a sum dinmun giel dih ding.
- v) Sum muna tuomtuom Register bawl a suhdih ding.
- vi) General Assembly leh Executive Committee kung a sum dinmun theisah zel ding.

**2. Sum enkoltu (Treasurer) Nasep dingte:**

- i) Ha 3 dan zel in khatvei tei General Assembly sum dinmun chipchieltah in a endih ding.

- ii) Sum lam a mawpotu Administrative Secretary toh sum etkol khawm.

**3. Bank a min geltu dingte:**

Bank Account ah Administrative Secretaryte leh Treasurer in min a giel khawm ding ua, sum a lahdoh ding chieng un Treasurer min (suoi) a pang teitei ding hi.

**4. General Assembly Working Committee:**

General Assembly nasepna leh nichin nasep ding hoitah a, apei theina ding in a mawpotu ding in Working Committee a um ding a, Working Committee member dingte khu Moderator, Secretary(Sr), Treasurer, Administrative Secretary-te leh Synod chin ah khat (1) chiet (Synod chin apen Executive Secretaryte hitheileh duthusam ahi). Working Committee memberte hun sung khu kum ni (2) ahiding hi. Member sagi (7) a umleh vaihawm thei ahiding a, Moderator khu Chairman ahiding a, Office enkoltu Administrative Secretary khu Secretary ahiding hi. A poimawna bang zel in tomnou kal in zong Committee ahan thei zel ding uhi.

Anasep dingte:

- a) Executive Committee thupuasachte hoitah a bawzui ding.
- b) Executive Committee in bawzui ding a, a piechte bawzui ding.
- c) Policy sil hilou Executive Committee hun ngah manlou dingte a ngaituo ding hi.
- d) Sum-le-paai thu a Finance Committee leh Executive Committee ngah manlou leh Administrative Secretary-te nasep dingte guotsahna anei ding uhi.

**3) SYNOD EXECUTIVE SECRETARYTE:**

Synod Vaihawmna leh nichin nasepnate hoitah a apei hoi theina ding in Synod chin in Executive Secretary a nei thei ding ua, a nasepte zieh un Synod Lamkai dette ahiding ua, Executive Secretary-te khu ahun uh kum 3 ahiding ua, guot kia thu ahileh Synod thuthu ahiding hi.

~~~~~

